



kat.komp.

16373

canonici)

I

Mag. St. Dr.

P

Hyřkowski Adam: Quaestio iuridica de
iure patronatus.

Biblioteka Jagiellońska



stdr0005118

2815 Prawo.

IN NOMINE DOMINI AMEN.

QVÆSTIO

I V R I D I C A.

DE IVRE PATRONATVS.

Ad c. Nobis. extr. de Iure patr. iun. c. Clement. Plures. c. t.
P E R

M. ADAMVM STYRKOWSKI

Philosophiæ Doctorem, I. V. Professore, Pro-
tonotarium Apostolicum, D. D. Iureconsultorū
Collegam, Ecclesiarum, Collegiatæ Tarnouiensis
Primiceriū, & Casimiræ ad S. IACOBVM
Præpositum, Consistorij Cracoui-
ensis Actuarium.

163735

In Lectorio Collegij Iuridici Cracou.

Publicæ disputationi

PROPOSITA



Anno Salutis 1691. Die 6. Mensis Nouëbris.

C R A C O V I Æ,

Ex Officina Francisci Cezary S. R. M. Illustr: ac Rñd. Dñi.
Epif. Crac. Ducis Seueriæ Necnon Schol. Nouoduo: Typogr.

ggggg.

QVÆSTIO

I V R I D I C A.

V Ius patronatus legitimè acquisitum, idemque pro alio commutabile, & in alios transferribile: in casu, quo à Laicis in Clericos transferatur, censendum sit Laicale vel non?

CONCLUSIO I.

Ius Patronatus legitimè acquiritur, non tantùm ex Fundatione (a.) Constructione (b.) vel Dotatione Ecclesiæ, (c.) verùm etiam per præscriptionem immemorialis temporis (d.)

a. *can. Filijs. 16. q. 7. glos. c. Quoniam. in v. Fundatores. De lure patr.*

b. *can. Frigentius. 16 q. 7. c. Nobis. e. t. & glos. ibid. in v. Construxit.*

c. *Concl. Tridentin: Sess. 25. cap. 9. De reform. & ibidem Declaratio v. Ex fundatione vel dotatione. Item glos. can. Pie mentis. 16. q.*

7. v. Pie mentis.

d. glos.

*d. glos. in c. Querelam. De elect. & elect. po-
test. Concil. Trident. alleg. Sess. 25. cap. 9.
De ref. & ibid. Declaratio. v. Qui hñum
memoriam excedat.*

COROLLARIUM I.

Vt constitutio Iuris Patronatus valeat; Fun-
datio, constructio, & dotatio debet esse libera,
(*e.*) sufficiens, (*c.*) de proprio, (*g.*) cum consensu
Ordinarij; (*h.*) ita tamen, vt si alius Ecclesiam fun-
dauit, alius construxerit, alius dotauerit, legiti-
mè tres diuersi eiusdem Ecclesiæ sint Patroni, li-
cet inæqualiter contulerint. (*i.*) Pariter ille conse-
quitur Ius Patronatus, qui Ecclesiam totaliter, aut
maiori ex parte collapsam, aut dotem illius
penitùs deperditam restaurat, reseruando sibi
Ius Patronatus, consentiente Episcopo. (*k.*) Qui
autem Ecclesiam aliqua ex parte reparat, dotem
primam auget, aut rem aliquam etiam notabi-
lem Ecclesiæ donat, vel legat; non est Ecclesiæ
Patronus, sed Benefactor: (*l.*) nisi in huiusmodi
dotatione vel dotatione Ecclesiæ reseruet sibi Ius
Patronatus citra præiudiciu prioris Patroni. (*m.*)

e. Ioan. Andr. in c. Nobis. v. Consensu.

Rochus de Curte fol. 46. n. 7.

f. c. Cum sicut. De consecr. Ecclesia. & ibid.
glos. in v. Consecranda.

g. arg. c. Nemo potest. De R. I. in 6.

h. c. Nobis e. t.

i. Vallengis lib. 3. tit. 38. n. 3. Engel. par. 2.
lib. 3. tit. 16. e. t.

k. glos. c. Quoniam e. t. v. Fundatores.

l. Garcias de Benef. par. 5. cap. 9. n. 50.

m. Rochus de Curte alios allegans fol. 42. n.
11. e. t.

COROLLARIUM II.

Præscriptio immemorialis, metienda est, non ex tempore, sed hominū memoria; (n.) proceditque contra Ecclesiam liberam; (o.) aut contra patronatam, seu potius ipsum Patronum, præscribitur spatio quadraginta annorum.

n. Seraph. Decis. 454.

o. c. i. & c. fin. De præscript. in 6. Archid. in
c. Hortamur. distin. 1. Putean. lib. 1. Decis.
186.

p. Couarruu. in c. Possesor. par. 2. paragraph.
1. De R. I. in 6. Fachin. lib. 8. Controuers.
cap. 24.

COROLLARIUM III.

Effectus

Effectus Iuris Patronatus sunt, quod Patronus consequatur imo. Honorem in præcedentia & præsentatione. 2do. Onus in defensione Ecclesiæ patronatæ, ne bona illius dilapidentur. 3tio. Emolumentū in casu inopiæ. Nam ab Ecclesia pro ratione facultatum eius, & qualitate personæ, Patrono subueniendum est. (q.)

q. glos. in can. *Piæ mentis. can. Frigentius.*

can. *Quicumq.* 16. q. 7.

COROLLARIUM IV.

Iuris Patronatus capaces sunt regulariter omnes Fideles; (r.) excluduntur autem Iudæi, (s.) Saraceni, (t.) Schismatici, (u.) Apostatæ, (w.) Hæretici, (x.) Simoniaci; (y) Infames verò (z) nominatim Excommunicati denunciati, (a.) & minores septem annis, ab exercitio præsentandi prohibentur. (b)

r. d. can. *Piæ mentis. can. Quicumq.* 16. q. 7.

f. glos. d. can. *Frigentius.*

t. arg. c. *In nonnullis. extr. De Iudeis.*

u. arg. c. 1. *De Schismaticis. Et can. Inter heresim Et Schisma.* 24. q. 3.

w. can. *Non potest.* 2. q. 7.

x. c. 1. *De Heret. arg. c. Ad abolendum e. t. l.*

2. C. *De Hereticis.* A 2 y. arg.

- y. *arg. d. c. Ad abolendum. extr. De Hæret.*
 z. *arg. c. Infamibus. De R. I. in 6. § l. 1.*
ff. De his, qui notantur infamia.
 a. *Ioan. Andr. § Abbas in c. Nobis. e. t.*
 b. *Abbas in c. fin. De conces. Præbend: §*
c. 1. e. t. Ioann. Andr. in c. Ex eo. De
elect.

COROLLARIUM V.

Ius Patronatus amittitur. 1mo. Si Patronus Rectorem, vel alium Clericum Ecclesiæ patronatæ, per se, vel per alium voluntariè occidat, vel mutilat, & quidem usque ad quartum gradum quoad posteros eius. (c.) 2do. Si Patronus fiat Hæreticus, Apostata, vel Schismaticus. (d.) 3tio Si iura, bona, & prouentus Ecclesiæ sibi iniquè usurpet, aut ne ad Beneficiatum perueniant, malitiosè impediat. (e.) 4to. Si Ecclesia patronata totaliter destruat, dos extinguatur, vel ex Patronata, de consensu Patroni, fiat Collegiata, aut successores deficient. (f.) Si denique Patronus Ius Patronatus venditione vel alio modo contra Sanctiones Canonicas alienet. (g.) Quandoq; , sed non semper tollitur etiam non usu. (h.)

c. c. *In quibusdam: de Penis.*

d. c.

d. c. Vergentis c. Excommunicamus. De Hæret. c. Præterea. De Apostatis. c. Quod a prædecessore. De Schism:

e. Concil. Trident. sess. 22. cap. 12. De reform.

f. Barbos. Iuris Eccles. lib. 3. cap. 12. n. 223.

g. c. Quia Clerici. Et ibid. glos. e. t.

h. Riccius Decis. 204.

CONCLUSIO II.

Ius Patronatus pro alio Iure Patronatus, aut alia re spirituali commutabile est. (i.)

i. arg. c. Ad questiones. De rerum permutat.

Zoësius lib. 3. tit. 38. n. 25.

COROLLARIUM I.

Ad legitimam Iuris Patronatus permutationem necessarius est Lociordinarij consensus, (k.) ante cuius impetrationem si Patronus decesserit, ex post obtentus, non suffragatur permutationi, in præiudicium Hæredis factæ, (l.) cuiusmodi permutationi necdum ratificatæ Successor stare non tenetur. (m.)

k. Abbas in c. Illud. e. t.

l. Rota Decis. 60.

m. c. Quod autem. Et ibid. glos. v. De cetero e. t.

COROL.

COROLLARIUM II.

Ius Patronatus est quid Spirituali annexum, (n.)
& pro re temporali commutari nequit. (o.)

*n. c. De Iure: e. t. & ibid. glos. v. De Iure: can.
Nemini. 17. q. 1.*

o. glos. in d. c. Ad questiones. De rerū permut.

COROLLARIUM III.

Sicut Ius Patronatus, ita & Beneficia patronata permutari non possunt sine consensu Episcopi, (p.) nec vniri; (q.) & quoties vacant permutationis causā, non requiritur Concursum, sed tantum examen. (r.)

p. c. Cum olim. & ibidē glos. De rer. permut. c.

fin. De renuntiat. Piafec. pag. 446. n. 18.

q. Abbas in c. Cū accessissent. n. 5. De Constit.

r. Parisiensis lib. 8. qu. 9. n. 95.

COROLLARIUM IV.

Si Ius Patronatus Ecclesiasticum per commutationem transeat ad Laicos, propter mutationem conditionis & personæ competit eis quadri-mestre; (s.) si autem à Laicis ad Clericos transferatur, tunc semestre; (t.) quod tempus currit à die notitiæ, (u.) & Episcopus potest illud Patronis prorogare. (w.)

s. c. Eam

- s. c. *Eam te. c. Cum propter. h. t.*
 t. glos. in c. *unico. eodem. in 6.*
 u. glos. in c. *Licet Magister. De supplen. ne-*
gligen. Prelat.
 w. *Piascius pag. 471. n. 26.*

COROLLARIUM V.

Possunt Patroni inter se commutare Ius Patronatus, ac conuenire, vt si diuersarum Ecclesiarum sint Patroni, vnus in vna, alter in altera præsenteret; vel vt alternis vicibus præsenterent, (x.) aut è medio sui vnum Compatronum: (y.) imò & amicabile inter illos compositio valet, quâ vnus in fauorem alterius suo iuri plenè ac legitimè renuntiat. (z.)

- x. glos. in *Clement. Plures. h. t. Notabili 2.*
 y. *Piascius pag. 454. n. 46.*
 z. *Zerola par. 1. v. Inspatronatus. parag. 2.*

CONCLUSIO. III.

In alios Ius Patronatus transfertur. imò. Iure Successionis. (a.) 2dò. Vigore Donationis aut Legati, ita tamen vt si donetur Laico, aut homini priuato, vel Monasterio, adsit Episcopi consensus, (b.) qui sufficit saltem subsequens; (c.) non requiritur autem, si Ecclesiæ, Dignitati Ecclesiasticæ,

sticæ, vel pio loco cedat. (d.) 3tò. Venditione bonorum, quibus annexum est Ius Patronatus, transit in Emptorem, tanquam accessorium, nisi expresse excipiat. (e.) 4tò. Feudo, Emphiteusi, vel alio utili dominio, cuius Possessor facit fructus suos; nisi itidem nominatim excipiat. (f.) 5tò. Reale deuoluitur ad Fiscum confiscatione bonorum. g.

a. can. Considerandum. 16. q. 7. Et glos. in can. Pie mentis. 16. q. 7. v. Transfertur.

b. c. Consuluit. c. Consultationibus. c. Nullus Et ibid. glos. v. Ecclesiam. c. Cura pastoralis. e. t.

c. c. Cura Et glos. ibid. v. Consensum e. t. Et glos. c. Nullus. v. Conferat. eodem. c. vn. eodem. in 6.

d. arg. c. 1. e. t. in 6. Et glos. in d. c. Nullus v. Ecclesiastici Iuris. Felinus in c. Que Ecclesiarum. De Constit. n. 89. Vallensis lib: 6. tit. 38. eodem.

e. glos in c. De iure. v. Vendi. Item glos. c. Cum seculum. v. Emptorum. e. t.

f. c. Ex literis. e. t. Et glos. ibid.

g. Abbas in c. Cum Clerici. Et c. Nobis. n. 3. e. t.

COROL-

COROLLARIUM I.

Per Successionem transit Ius Patronatus tam in Consanguineos, quam extraneos Hæredes ad singulos in solidum, etiamsi ex diuersis & inæqualibus partibus sint Hæredes; (b.) ita tamen, vt in Gentilitio Iure Patronatus diuersis Patronis succedentes, veniant in stirpes, non in capita; simulque omnes vnā vocē habeant. (i.) Hinc etiam in diuisione hæreditatis, Ius Patronatus vni ad iudicari nequit; sed æqualiter spectat ad illos, quibus bona ex diuisa sunt. (k.)

b. glos. notat. in c. Perlatum. Et in v. Non debeat. e. t.

i. Clement. Plures. e. t. e. t. glos. ibid.

k. Abbas in c. g. h. t.

COROLLARIUM II.

Ius Patronatus Ecclesiæ vel Monasterio competens, non potest alteri Ecclesiæ, vel Laico donari, sine ordinarijs solennitatibus ad alienationem rei immobilis Ecclesiasticæ requisitis. (l.) Et Patroni Religiosi non possunt Ecclesiam Patronatam in proprios vsus cōuertere propria autoritate. (m)

l. t. t. Derebus Ecclesiæ non alienandis.

m. c. Sicut nobis. De supplen. neglig. Pralat.

COROLLARIUM III.

Quamuis Ius Patronatus per se, & principaliter non liceat vendere, nec intuitu eius, maius pretium erigere, sub pœna priuationis eiusdem ipso facto incurrenda; (n.) per hoc tamen non prohibetur Patronus vendere honorantias, seu certos fructus Iuris Patronatus, quos sibi reseruauit in prima eius fundatione, cum consensu Episcopi. (o.)

n. c. *Quia Clerici. c. De Iurep. b. t. Concil. Trident. sess. 25. cap. 9. De reform.*

o. glos. can. *Eleuterius. 18. q. 2. v. Conuenisse. Itē glos. c. Generali. v. Fundatione. De elect. & elect. potest. Abbas in c. Præterea. b. t.*

COROLLARIUM IV.

Transfertur Ius Patronatus & ad fœminam, cui relinquitur in dote Vsfusfructus bonorum, in quibus Ius Patronatus consistit; (p) quo casu præfertur Præsentatus ab Vxore, Præsentato à Marito: (q) sēcus, si transijt ad Maritū cum uniuerſitate bonorum ei in dotem datorum; quia tunc Præsentatus à Marito præferendus Præsentato ab Vxore. (r.) non præfertur autem Præsentatus à Tutore, Præsentato pupilli. (s.)

p. Ab-

p. Abbas in c. Consultationibus. h. r.

q. Rot. Decis. 422.

r. Piasecius pag. 455. n. 50.

s. Abbas in c. fin. De conces. Præben.

COROLLARIUM V.

Ius Patronatus personale per confiscationem bonorum non cadit in Fiscum, sed extinguitur, & Ecclesia efficitur libera; Gentilitium verò devoluitur ad Consanguineos, quibus Delinquens præiudicare non potuit in iure quæsito. (t.) Reale Conductor non sortitur ex locatione bonorum ad breue tempus, (u.) nec Creditor, cui bona, Ius Patronatus annexum habentia, oppignorata sunt; eo uti potest, nisi de hoc expresse caueatur. (w.)

t. Barboss. in Collect. ad c. Ex literis n. 238.

u. Abbas in c. Ex literis. n. 5. h. r.

w. c. Cum Bertholdus. De sent. & re iud. & Abbas ibid.

CONCLUSIO IV.

Laicale Ius Patronatus translatum ad Clericos, regulariter censetur Ecclesiasticum. (x.) Contra quod à Clericis titulo oneroso, cum consensu S. Sedis Apostolicæ transit ad Laicos, efficitur Laicale. (y.)

x. c. Un. e. t. in. 6.

y. arg. d. c. Un. Zoefius h. t. n. 52.

COROLLARIUM I.

Beneficia Iuris Patronatus Ecclesiastici post obitum Beneficiati, vel resignationem liberam in Mensibus Papalibus, subsunt reservationibus Papæ. (2) Laicale verò Ius Patronatus adeò est priuilegiatum, vt nec Collatio Ordinarij illud impedire queat, neque Summus Pontifex eidem derogare soleat. (a.)

z. c. 2. c. Presenti. ibidemq. glos. V. Legales. De Præbend. in 6. Seraph. Decis. 1420.

a. glos. d. c. 2. v. Collatio. in 6.

COROLLARIUM II.

Ius Patronatus Ecclesiasticum dicitur, quod personæ Ecclesiasticæ, nomine & ratione Ecclesiæ, Capituli, vel Monasterij, competit; quamuis à Laico venerit. (b.) Laicale autem appellatur, quod competit Laico, aut etiam Clerico, ex patrimonio & successione paterna, vel alio titulo seculari obtinetur. (c.)

b. arg. c. Cum. dilectus. & ibid. glos. b. t. & c. Un. eodem. in 6.

c. glos. in Clem. Plures. v. Presentare. c. t.

COROL-

COROLLARIUM III.

Differentia inter Ius Patronatus Ecclesiasticum & Laicale hæc est. 1ma. Quòd Ecclesiastico currat semestres ad præsentandum, Laico verò quadrimestres tantum. (d.) 2da. Quòd vigore Laicalis Iuris Patronatus permittatur variatio, ita ut plures per viam accumulationis præsentari queant; (e.) in Iure Patronatus verò Ecclesiastico id prohibeatur, & fide facto præsentet Ecclesiasticus duos, prior tempore, est præferendus. (f.) 3tia. Quòd ad Beneficia Iuris Patronatus Laicalis Concurfus non detur, nec ea Legatus Sūmi Pontificis, sine consensu Patroni conferat; Ecclesiastici verò Iuris Patronatus Beneficia Curata in Mensibus Papalibus vacantia eidem subijciuntur, (g.) exceptis illis, quæ ad Capitulum, aut Collegium spectant, vel alicui Canonici, vel Præbendæ, aut simplici Beneficio Cathedralis vel Collegiatæ Ecclesiæ sunt annexa. (h.)

d. d. c. Eam te. c. Cum propter. h. t. glos. c. vn. eodem. in 6. Notabili. 2.

e. c. Quod autem. & c. Cum autem. h. t.

f. d. c. Cum autem. & glos. ibid. v. Ecclesiastica persona.

g. Concil.

g. Concil. Trident. sess. 24. cap. 18. De reform.
c. Cum dilectus. e. t. & glos. ibid. v. Quem-
piam presentare. glos. in c. vn. eod. in 6. v.
Ecclesiasticus. Garc. par. 5. cap. 1. n. 571.

h. declar. alleg. Concil. Trident. v. Cum Pa-
rochialis Ecclesia. Item v. Uni vel pluribus.
Ibid. v. Capitulorum.

COROLLARIUM IV.

Si sit Mixtum Ius Patronatus, ita vt partim ad Clericos, partim ad Laicos spectet, in fauorabili-
bus sequitur naturā Laicalis, (i.) & semestre vtrisq;
competit (k) quòd si cōcernat Ecclesiæ Præfectos,
siue Oëconomos Laicos, ratione officij ac ad-
ministrationis bonorum Ecclesiasticorum, nec
proueniat ex eorum personis; tale Ius Patronatus,
censetur esse Ecclesiasticum. (l.) Similiter si Ec-
clesiasticus Patronus ingrediatur Religionem, &
post professionem bona illius habentia Ius Pa-
tronatus, Monasterio acquirantur. (m.)

i. Felin. in Tract. Quando Littere Apostolica. n.

3. Piasecius pag. 456. n. 56.

k. glos. in c. vn. e. t. in 6. v. Ecclesiasticus.

l. Rebuff. in Praxi. De Present. n. 6. fol.

*m. Felin. loco citato, Limitatione 5. Authent.
Ingress. De Sacros. Eccles. Rota Decis. 541.
n. 4. part. 2. in nouis.*

COROLLARIUM V.

Quando Patronus Laicus transfert suum Ius Patronatus in Clericos, sub hac conditione expressa, & modo, vt penes eos maneat Laicale; tunc respectu modi exercendi, est purè Laicale; (n.) nec sub Regulis reseruatorijs continetur. (o.)

n. arg. c. Verum. De condit. appos. Felin. in c.

Cum Ecclesia S. Marie. n. 26. De Constit.

Rot. Decis. Iurispat. 31. Mai. 1513.

o. Viuian in praxi Iurisp. lib. 4. cap. 9. n. 56.

Sit laus DEO Patri, Summo Christo
decus, Spiritui Sancto,
Tribus honor vnus.





Sub felicissimis auspicijs,
Magnifici, Perillustris, & Admodū Rēdi Domini,
D. M. FRANCISCI IOSEPHI
P R Z E W O S K I,
Sacrae Theol: Doctoris & Professoris,
Collegæ Maioris, Ecclesiarum Collegiatarum,
Crac: SS. Omnium Præpositi, Scholastici Cure-
louiēsis, ad S. FLORIANVM Canonici, KorczyneŃ. Curati,
Librorum per Diocesim Crac. Ordinarij Censoris, Ca-
nonizationis B. IOANNIS CANTII Procurato-
ris, Contubernij Hierosolymit: Prouisoris, S. R. M.
Secretarij, **ALMÆ VNIVERSITATIS**
CRACOV: Generalis, & Vigilantissimi
RECTORIS.

34. v. 28. B.



